



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Complectitvr Mysteria Diuinitatis, Trinitatis, & perfectionum Dei: ac
de beneficiis eius in homines, naturalibus & supernaturalibus

Puente, Luis de la

Coloniae, Anno M.DC.XII.

Med. 19. De ijs quæ primo die creauit.

[urn:nbn:de:hbz:466:1-38214](https://nbn-resolving.org/urn:nbn:de:hbz:466:1-38214)

super creaturas, nomine & titulo creationis: ideoque tunc (teste S. Thoma,) Deus accepit nomen Domini, & possessionem sui Dominiij. nam tunc cœpit habere creaturas, seruos & famulos, quorū esset Dominus, & quibus posset imperare. Gratulabor itaque illi de nouo hoc nomine, ex toto corde gratitudinis pleno. O Deus æterne, cuius Dominium quoad potestatem est æternū, gratias tibi, quod fueris dignatus tot creaturas creare, quarum es legitimus Dominus. Gaudeo Domine, quod noster sis Dominus, Dominus omnium Dominorum, & vnicus Dominus, à quo procedit omne dominium. Siquidem igitur meus es Dominus, gere curam mei, creaturæ tuæ: accipe possessionem mei, ita vt ego tanquam seruus fidelis, tuo semper seruitio attendam in secula, Amen.

1. part. q. 23.
a. 7.

MEDITATIO XIX.
DE IIS QVAE PRIMO
die creauit Deus.

PVNCTVM I.



DIXIT DEVS: fiat lux. Et facta est lux: & vidit Deus lucem quod esset bona: & diuisit lucem à tenebris: Appel- lauit que lucem diem, & te- nebras noctem. *Genes. i. 3.*

P 2

PRI-

PRIMò considerandum, quòd Deus Dominus noster, videns, in quibus tenebris mundus esset; vt illum perficeret, creauerit ante omnia lucem; sicut qui facem accèderet in obscura aliqua domo, vt homines ingredi eam possent. Perpendam ergo, quàm fuisse velle miser hic mundus, absque hac luce corporalibus & quanta bona illa secum adferat, nam illa manifestat opera Dei; & res pulchras ac spectabiles, quæ sunt in mundo: sine ea nec videre possemus, nec ambulare, nec præstare aliquid operibus corporalibus accommodatum; est causa magnæ lætitiæ omnibus viuentibus; per eandem multæ descendunt influentiæ & virtutes, quibus mundus conseruetur. propter quæ, dum videret Deus lucem, dixit, illam esse bonam, & valde conformem fini ipsius vniuersi, & vtilem omnibus viuentibus. Et hoc mihi erit mortiuû, gratias Deo agendi pro hoc lucis beneficio; & quotidie, cum sol oritur, accedens lucem adfert, Deum propter illam laudabo; & quòd oculos mihi dederit, vt illam viderem, & ea fruerer; & ob læticiam, qua afficior ex ea; reuocans in memoriam, quòd Tobias dixit, *b quale gaudium mihi erit, qui in tenebris sedeo, & lumen cæli non video?* Proponam etiam firmiter, hac luce vti in finem Deo constitutum, ad videndum scilicet Dei opera, & eundem propter ea glorificandum; dolens etiam vicem peccatorum, qui rem ab eò bonam oderunt, vt liberiùs peccare possint, sicut ipse CHRISTVS dixit, *c qui malum*

b Tob. 5. 12.

c Ioan. 3. 20

agit, odit lucem, ut non videantur opera eius.

II.

De luce
spirituali.

SECUNDO ex hoc ascendam ad consideran-
dam excellentiam lucis spiritualis, qua Deus
perficit animas in tenebris, in obscuritate, &
in umbra mortis existentes, quæ ex se aliud nõ
habent, quàm tenebras ignorantia & culpæ;
quam lucem Deus libentissimè communicat.
Delectatur enim, quòd ab omnibus cognos-
catur, & quòd omnes gloriosa ipsius opera vi-
deant, & per eandem, quid sibi sit agendum,
qua ratione Deo seruiendum, & ad vitam æter-
nam properandum cognoscant, iuxta illud
Davidis: *Signatum est supra nos lumen vultus
tui Domine.* Per illud enim lumen, nobis com-
municat cœlestes influentias gratiarum &
virtutum, impletque corda magnâ latitiâ.
Quamobrem videns Deus etiam hanc lucem,
dixit eam esse bonam, & quidem eminenter
bonam in omni genere boni honesti scilicet,
utilis, & delectabilis. est enim conveniens
valde & conformis supernaturali fini gratias;
est principium virtutum; utilis ad omnia ope-
ra bona; ac delectabilis in eorum exercitatio-
ne. Quòd si tantas debeo gratias Deo, propter
lucem corporalem; quantò debebo maiores
propter hanc spiritualem, quæ incomparabi-
liter est melior? *O Pater luminum,* à quo lu-
mina omnia procedunt, gratias tibi propter
duplicem hanc lucem, quam ad illuminandû
corpus & animam meam cõdidisti: millies sis
benedictus Deus, propter lucem corporalem,
qua video res oēs visibiles; & millies millies

d Psal. 4.7.

c Iacob. 1.17

sis glorificatus, propter spiritualem, qua vi-
 deo inuisibilia. Aspice Deus meus, animę meę
 obscuritatem; compatere illi: & siquidem tu
 fons es luminis, f eo illumina tenebras meas.
 O splendor glorię Patris, lux à qua procedit
 lumen, lumen de lumine, fons luminis, & dies
 diem illuminans, educ me è tenebris, in qui-
 bus versor, & fac me g lucis perfectum filium:
 conuerte noctem meam in diem, vt currens
 pergam, sicut h lux matutina splendens, qua
 procedit & crescit vsque ad perfectam diem vitz
 aternitatis, Amen.

Psal. 17. 29

Ecclesia in
hymno Ma-
tut.

g Ephe. 5. 8.

hPron. 4. 18

Ad similitudinem huius colloquij, quod ex par-
 te acceptum est ex quodam hymno Ecclesie, in-
 stitui possunt alia etiam ex hymni, qui dicuntur
 ad matutinum, & ad laudes, & ad vesperas fe-
 riarum, qui pleni sunt affectibus & laudibus
 eius lucis.

PUNCTVM II.

I.

DEINDE considerandus est modus, quo
 Deus hanc LVCEM creauit. In quo
 tria perpendenda. Primum, quod fece-
 rit LVCEM prima die: nam lux corporalis pre-
 sentia sua facit diem, & sine ea non est dies:
 similiter lux spiritualis, est prima perfectio
 & veluti primitiã Christianę perfectionis
 sine qua nec ad vnum passum progredi possi-
 mus, dicente Dauide: a vanum est ante lucem
 surgere: & ita curę est Deo Dño nostro, in
 tio vitę nostrę, & quando sumus in tenebris
 prauenire nos illustratione aliqua & radi-
 suę clarissimę lucis, vt possimus ambulare

a Psal. 124. 3

pro ipsius seruitio laborare, *b O lux vera, quae* *b Ioan. 1. 9.*
illuminas omnem hominem, qui per vsum ratio
nis venit in hunc mundum; praue ni me tua lu-
ce, vt tecognoscam & amem; &, te adiuuante,
c praue niam solem ad benedictionem tuam, d ad *c Sap. 16. 28.*
te de luce vigilans, vt expendam primam diei *d Psal. 5. 5.*
partē, & ortū lucis, te adorando, & benedicen- *e 62. 1.*
do ob magnitudinem tuarum misericordiarū,
quib' me praue nis, vt meis miserijs subuenias.

DEINDE perpendendum, quòd DEVS Do- II.
 minus noster hoc primo die, LVCEM tantum
 effecerit, quamuis multa alia potuisset: sed sa-
 tis bene collocatum hunc diem existimauit,
 in hac lucis productione, & vt suum illa cur-
 sum perageret per totum huius mundi hemis-
 pherium, tenebras depellens, & integrum
 faciens diem: Hac ratione nobis manifestans,
 quanti ipse lucem aestimaret; & quanti nos
 debeamus facere spiritualem, occupantes nos
 omnino in ea nobis procuranda; & interdum
 integrum diem, vel certe aliquam eius horam
 expendentes, vt in hanc rem solam incumba-
 mus: occupationib' aliis interim reiectis, do-
 nec pensum illud nostrū integrè expleamus,
 & in eadē exercitatione ad finē vsq; vitæ con-
 stanter perseueremus, sicut cursus huius lucis
 cōtinuè diebus omnib' perseuerat. *d Eccl. 24. 5.*
O Sapiē-
tia diuina, quae ex ore altissimi prodijsti, primo-
genita ante oēm creaturā, quae effecisti in caelis,
vt oriretur lumen indeficiens, largire mihi par-
tem aliq̄ supremi istius tui luminis, quod ita
firmiter in me maneat, vt nunq̄ deficiat, donec

III.

S. Thom. 1.
p. 9. 32. a. 2.
ad 3. q. 9.
74. a. 3. ad
3.

plenum recipiam in æterna gloria, Amen.
TERTIÒ perpendendum, quòd tota sanctis-
sima TRINITAS, beneuolo & omnino iucun-
do suo imperio, magnaque sua oblectatione,
hanc LVCEM creauerit, & sibi in ea compla-
cuerit: quòd indicant ipsius S. riptura verba
illa, *dixit Deus fiat lux*, Pater videlicet per suum
filium, qui est æternum eius verbum *dixit: fiat*
LVX, & in momento *facta est* LVX. Videns au-
tem Sapentiã suã, quòd lux esset bona, approbavit
illam Spiritu sui amoris, & in ea sibi compla-
cuit, & quoniam Bonitatis est proprium, sei-
psam communicare; voluit, vt facta hæc lux
sensim communicaret se toti huius mundi he-
misphærio, vt dictum est. O Trinitas beatis-
sima, ex corde gaudeo, quòd tibi complacens
in luce creata, propter oblectationem, quam
adfert tibi lux increata! O Pater supreme,
propter amorem quem geris erga tuum Filium,
supplico humiliter, vt intus dicas anima meæ
fiat lux in ipsa scilicet anima mea: quia statim
id fiet, ea verò ratione eam fac, Domine, vt me
sanctificet; & Spiritus sanctus, simul veniens,
habitet in hac domo lucis in æternum, Amen.

PUNCTVM III.

I. TERTIÒ est considerandum, quòd dicitur
rit Deus lucem à tenebris; & lucem op-
pellauerit diem, & tenebras nocte: hæc
ratione volens, vt in hac terra esset successio
lucis & tenebrarũ, dierum & noctium; vt hæc
mines in die & cum lumine operaretur; nocte
ver

verò & in tenebris, requiescerent, & à labore cessarent; vt hoc leuamen defatigato corpori adhiberetur. in qua re satis apparet suavis p-uidècia huius Dñi, qui ita prouiderit de ijs que nostris corporibus conueniebant. Quamobrè gratias illi debeo, tam propter lucem, quàm propter tenebras, vtrasque inuitans ad benedicendum Deum verbis illis cantici, a *Benedicite lux & tenebrae Domino, benedicite nox & dies Domino: Laudate & superexaltate eum in secula.*

a Dan. 3. 71.

II.

SED ascendens hinc ad contemplandū spirituale illud quod hic latet, perpendam, quid inter Deum & homines intersit; & quid inter coelum & terram. nam b *Deus Dominus noster, vt ait S. Ioan. est ipsamet lux & c tenebrae in eo non sunt vlla;* & beati in coelis, propter participationem gratiæ eius, semper sunt etiam lux sine admixtione tenebrarum. Et in celo (vt habetur in Apoc.) non est successio noctium & dierum. d *nox enim non erit illic:* at in terra vicissitudo est & successio. Nam in primis aliqui sunt boni, qui sicut filij lucis ambulant, sicut qui ambulat in die; alij sunt improbi, qui viuunt sicut filij tenebrarū, sicut qui ambulat in nocte; & vnus atque idem aliquando est filius lucis, & aliquando tenebrarum: & hos etiam diuidit Deus, alios approbans, alios reprobans, nam (vt ait Apost.) *Qua societas est luci ad tenebras? quasi dicat, nulla: quia non possunt coherere.* Quare diligenter attende, anima mea; quomodo vitam

b Ioan. 1. 9.

c 1. Ioan. 1. 5.

d Apoc. 21.

25.

e 2. Cor. 6.

14.

tuam ducas; accede ad partes filiorum lucis, ut cum supremus iudex aduenerit, ad separandos illos à filiis tenebrarum, felix tibi fors contingat, ut cum filiis lucis gaudeas in æterna gloria. Amen.

P R A E T E R E A in terra magna est diuisio lucis & tenebrarum, dierum & noctium, in variis hominibus etiam iustis, & in vno eodemque diuersis temporibus; quia modò est in prosperitate, modò in aduersitate; nunc in honore, nunc in infamia; nunc in deuotione spiritus, nunc in ariditate cordis; nunc magnas habet internas illustrationes, nunc magnas tenebras & obscuritates. Hanc diuisionem **D E V S** dirigit, ad electorum suorum exercitationem & probationem; oblectatur enim ea, propterea quòd talis successio lucis & tenebrarum, non parum conferat ad salutem animarum eorum, ideoque eadem successione & ego gaudeo, gratias pro utroque agens; siquidem diuina eius prouidentia ita eam successione disposita fuit, ut hac via æternam lucem in sua beatitudine mihi largiretur. **O Pater** supernus *f qui dixisti de tenebris lucem splendescere* easque separasti, illumina corda nostra ita ut *illuminationem* consequamur scientiam & *claritatis tuae*, quæ respundet in facie Filij tui **CHRISTI IESV**, ut imitemur hic claritatem eius vitæ, fruamur postea eius gloria.

f 2. Cor. 4. 6

DE NIQVE perpendam, quod cum
 DEVS, luci & tenebris indiderit nomina,
 lucem appellans diem, & tenebras noctem,
 teneat ego, ea nomina amplecti, quæ à tali
 sapientia prodierunt; iudicans lucem &
 diem, virtutem, sanctitatem, & prosperi-
 tatem, quidquid DEVS tale esse iudicat, &
 tali nomine compellat; eademque ratione iu-
 dicans tenebras & noctem, vitium, culpam,
 & aduersitatem, quidquid DEVS hoc nomi-
 ne compellat; ne horrendæ illæ minæ me
 comprehendant Prophetae dicentis: *g va*
qui dicitis malum bonum, & bonum ma-
lum, ponentes tenebras lucem, & lucem tene-
bras. *g Isa. 5. 20.*

OLVX immensa, illumina corda nostra
 in luce scientiæ, & claritatis, quæ illucet in fa-
 cie CHRISTI IESV, vt nostrum sen- *h 2. Cor. 4. 6*
 tire, loqui, & operari; sit ipsi omninò con-
 forme, i qui enim eum sequitur, non am- *i Ioan. 8. 12.*
 bulat in tenebris, sed habebit lumen vi-
 ta, simulque cum ipso fruetur
 æterna gloria.
 Amen.

